

話字板史記

世家

四十二

41
1
30



趙世家第十三

史記四十三

趙氏之先與秦共祖至中衍正義曰中音仲為帝大

戊御其後世輩廉有子二人而命其一子曰

惡來事紂為周所殺其後為秦惡來弟曰季

勝其後為趙季勝生孟增孟增幸於唐成王

是為宅臯狼徐廣曰或云臯狼地名在西河

號宅臯狼而徐廣云臯狼地名在西河者按地理志臯狼是西河郡之縣名蓋孟增幸於周成王成王居之臯狼生衡父衡父生造父於臯狼故云臯狼



造父幸於周繆王造父取驥之乘匹正義曰乘食

反並四曰乘兩曰正取與桃林正義曰括地志云桃林在

陝州桃林縣西至潼關皆為桃林塞地山海經云夸父之山北有林焉名曰桃林廣闊三

百里中多馬造父於此得驂盜驪驂騮綠耳

騮耳之乘獻周穆王也索隱曰言造父取八駿品其色齊

獻之繆王其分使馴調也並四日乘並而曰

匹繆王使造父御西巡狩見西王母樂之忘

歸索隱曰穆天子傳曰穆王與西王母觴於瑤池之上作歌是樂而忘歸也而譙周不信此事而云余常聞之代俗以東西陰陽所出入宗其神謂之王父母或曰池名在西域

有何而徐偃王及正義曰括地志云大徐城在泗州徐城縣北三十里

古之徐國也博物志云徐君宮人娠生卵以鳥不祥棄於水濱孤獨母有犬名鵲倉銜所

棄卵以歸覆煖之遂成小兒生偃王故宮人聞之更收養之及長襲為徐君後鵲倉臨死

生角而九尾實黃龍也繆王日馳千里馬攻徐

偃王大破之索隱曰譙周曰徐偃王其楚文王同時去周穆王遠矣且王者

行有周衛豈聞亂而獨長駟日乃賜造父以

趙城正義曰晉州趙城縣即造父邑也由此為趙氏自造父

已下六世至奄父曰公仲周宣王時代戎為

御及千畝戰正義曰括地志云千畝原在奄晉州岳陽縣北九十里也

父脫宣王奄父生叔帶叔帶之時周幽王無

道去周如晉事晉文侯始建趙氏于晉國自

叔帶以下趙宗益興五世而生趙夙趙夙晉

獻公之十六年伐霍魏耿而趙夙為將伐霍

霍公求犇齊徐廣曰求一作來晉大旱卜之曰霍太

山為祟使趙夙召霍君於齊復之以奉霍太

山之祀晉復穰晉獻公賜趙夙耿索隱曰今河東皮氏

縣耿夙生共孟當魯閔公之元年也共孟生

趙衰字子餘索隱曰系本云公明生共孟及趙夙夙生成季衰長生宣孟角

左傳云衰趙夙弟而此云共孟生衰謙周亦以此為誤趙衰卜事晉獻

公及諸公子莫吉卜事公子重耳吉即事重

耳重耳以驪姬之亂亡犇翟趙衰從翟伐唐

各如得二女翟以其少女妻重耳長女妻趙

衰而生盾初重耳在晉時趙衰妻亦生趙同

趙括趙嬰齊趙衰從重耳出亡凡十九年得

反國重耳為晉文公趙衰為原大夫居原任

國攻索隱曰系本云成季徙原宋忠云今鴈門平原縣也正義曰括地志云原平

故城漢原平縣也在代州崞縣南三十五里

崞昔郭按宋忠說非也括地志云故原城在

懷州濟源縣西北二里左傳云襄王以原賜

晉文公原不服文公伐原以示信以趙

衰為原大夫即此也文公所以反國及霸多

原本周畿內邑也

趙衰計策語在晉事中趙衰以及晉晉之妻

固要迎翟妻而以其子有為適嗣晉妻三子

皆下事之晉襄公之六年而趙衰卒謚為成

季趙盾代成季任國政二年而晉襄公卒太

子夷皋年少盾為國多難欲立襄公弟雍雍

時在秦使使迎之太子母日夜啼泣索隱曰

頓首謂趙盾曰先君何罪其適子而更求

君趙盾患之恐其宗與大夫襲誅之延遂立

太子是為靈公發兵距所迎襄公弟於秦者

靈公既立趙盾益專國政靈公立十四年益

驕趙盾驟諫靈公弗聽及食熊蹯不熟殺

宰人持其尸出趙盾見之靈公由此懼欲殺
盾盾素仁愛人嘗所食桑下餓人反扞救盾
盾以得亡未出境而趙穿弑靈公而立襄公
弟黑臀是為成公趙盾復反任國政君子譏
盾為正卿亡不出境反不賊故太史書曰
趙盾弑其君晉景公時索隱曰成公之子名據而趙盾
卒謚為宣孟子溯嗣趙朔晉景公之三年朔
為晉將下軍救鄭與楚莊王戰河上朔娶晉

成公姊為夫人晉景公之三年大夫屠岸賈

欲誅趙氏

徐廣曰按年表救鄭及誅滅皆景公三年

初趙盾在時

夢見叔帶持要而哭甚悲已而笑拊手且歌

盾卜之兆絕而後好趙史援占之曰此夢甚

惡非君之身乃君之子然亦君之咎至孫趙

將世益衰屠岸賈者始有寵於靈公及至於

景公而賈為司寇將作難乃治靈公之賊以

致趙盾徧告諸將曰盾雖不知猶為賊首以

臣弑君子孫在朝何以懲臯請誅之韓厥曰
靈公遇賊趙盾在外吾先君以為無罪故不
誅今諸君將誅其後是非先君之意而今妄
誅妄誅謂之亂臣有大事而君不聞是無君
也屠岸賈不聽韓厥告趙朔趣亡朔不肯曰
子必不絕趙祀朔死不恨韓厥許諾稱疾不
出賈不請而擅與諸將攻趙氏於下宮殺趙
朔趙同趙括趙嬰齊皆滅其族趙朔妻成公

姊有遺腹走公宮匿趙朔客曰公孫杵臼杵
臼謂朔友人程嬰曰胡不死程嬰曰朔之婦
有遺腹若幸而男吾奉之即女也吾徐死耳
居無何而朔婦免身生男屠岸賈聞之索於
宮中夫人置兒絝中祝曰趙宗滅乎若殆即
不滅若無聲及索兒竟無聲已脫程嬰謂公
孫杵臼曰今一索不得後必且復索之奈何
公孫杵臼曰立孤與死孰難程嬰曰死易立

孤難耳。公孫杵臼曰：趙氏先君遇子厚，子彊為其難者，吾為其易者，請先死。乃二人謀取他人嬰兒，負之衣，以文葆。徐廣曰：小葆。兒被曰葆。匿山中。程嬰出繯，謂諸將軍曰：嬰不肖，不能立趙孤，誰能與我千金？吾告趙氏孤處，諸將皆喜許之。殺師隨程嬰攻公孫杵臼。杵臼謬曰：小人哉！程嬰昔下官之難，不能死，與我謀匿趙氏孤兒。今又賣我，縱不能立而忍賣之乎？抱兒

呼曰：天乎！天乎！趙氏孤兒何罪，請活之。獨殺杵臼可也。諸將不許，遂殺杵臼與孤兒。諸將以為趙氏孤兒良已死，皆喜。然趙氏真孤，乃及在程嬰家，與俱匿山中，居十五年。晉景公疾，卜之，大業之後不遂者為祟。景公問韓厥，厥知趙孤在，乃曰：大業之後在晉，絕祀者其趙氏乎？夫自中衍者皆嬴姓也。中衍人面鳥喙，降佐殷帝大戊，及周天子皆有明德。下及

幽厲無道而叔帶去周適晉事先君文侯至
于成公世有立功未嘗絕祀今吾君獨滅趙
宗國人哀之故見龜策唯君圖之景公問趙
尚有後子孫乎韓厥具以實告於是景公乃
與韓厥謀立趙孤兒名而匿之宮中諸將入
問疾景公因韓厥之衆以脅諸將而見趙孤
趙孤名曰武諸將不得已乃曰昔下宮之難
屠岸賈為之矯以君命并命群臣非然孰敢

作難微君之疾羣臣固且請立趙後今君有
命羣臣之願也於是名趙武程嬰徧拜諸將
遂反與程嬰趙武攻屠岸賈滅其族復與趙

武田邑如故

徐廣曰推次晉復與趙武田邑是景公之十七年也而乃是春

秋成公八年經書晉殺其大夫趙同趙括左傳於此說立趙武事者註云終說之耳非此
年及趙武冠為成人程嬰乃辭諸大夫謂趙

武曰昔下宮之難皆能死我非不能死我思
立趙氏之後今趙武既立為成人復故位我

將下報趙宣孟與公孫杵曰趙武啼泣頓首
固請曰武願苦筋骨以報子至死而子忍去
我死乎程嬰曰不可彼以我為能成事故先
我死今我不報是以我事為不成遂自殺趙
武服齊衰三年為之祭邑春秋祠之世世勿
絕新序曰程嬰公孫杵曰可謂信友厚士矣
嬰之自殺下報亦過矣○正義曰今河東
趙氏祠先人猶別趙氏復位十一年而晉厲
寄一座祭二士矣公殺其大夫三郤藥書畏及乃遂弑其君厲

公更立襄公會孫周

徐廣曰年表云襄公孫也○索隱曰晉系家云

襄公少子名周是為悼公晉由此大夫稍彊趙武續

趙宗二十七年晉平公立平公十二年而趙

武為正卿十三年吳延陵季子使於晉曰再

國之政率歸於趙武子韓宣子魏獻子之後

矣趙武死謚為文子文子生景叔索隱曰系本云景叔

名景叔之時齊景公使晏嬰於晉徐廣曰平公十九年

晏嬰與晉叔向語嬰曰齊之政後率歸田氏

叔向亦曰晉國之政將歸六卿六卿侈矣而
吾君不能恤也趙景叔卒生趙鞅是為簡子
趙簡子在位晉頃公之九年簡子將合諸侯
戍于周其明年入周敬王子周辟弟子朝之
故也晉頃公之十二年六卿以法誅公族祁
氏羊舌氏分其邑為十縣六卿各令其族為
之大夫晉公室由此益弱後十三年魯賊臣
陽虎來奔趙簡子受賂厚遇之趙簡子疾五

日不知人大夫皆懼醫扁鵲視之出董安于

問韋昭曰安于簡子家臣扁鵲曰血脉治也而何怪在

昔秦繆公嘗如此七日而寤寤之日告公孫

支與子輿索隱曰二子秦大夫公孫支子桑曰我之帝所甚

樂吾所以久者適有學也帝告我晉國將大

亂五世不安其後將霸未老而死霸者之子

且令而國男女無別公孫支書而藏之索隱曰藏

一作籍籍錄也謂當時秦識於是出矣獻公

即記錄書於於籍也

之亂文公之霸而襄公敗秦師於殽而歸縱
淫此子之所聞今主君之疾與之同不出三
日疾必間間必有言也居二日半簡子寤語
大夫曰我之帝所甚樂與百神游於鈞天廣
樂九奏萬舞不類三代之樂其聲動人心有
一熊欲來接我帝命我射之中熊熊死又有
一羆來我又射之中羆羆死帝甚喜賜我二
笥皆有副吾見兒在帝側帝屬我一翟犬曰

及而子之壯也以賜之帝告我晉國且世衰

七世而亡正義曰謂晉定公出公哀公幽公

年為三晉所滅據此及年表嬴姓將大敗周

人於范魁之西正義曰嬴趙姓也周人謂衛

取都鄙七十三是也而亦不能存也索隱曰

賈誼云川阜曰魁也今余思虞舜之勳適余將以其胄

女孟姚配而七世之孫索隱曰即姓嬴吳廣

代孫也董安于受言而書藏之以扁鵲言告

簡子簡子賜扁鵲田四萬畝他日簡子出有
 入當道辟之不去從者怒將刃之當道者曰
 吾欲有謁於主君從者以聞簡子召之曰
 吾有所見子晰也索隱曰簡子見當道者乃
 寤曰嘻是故吾前夢所見
 者知其名曰子晰也當道者曰屏左右願有謁簡子屏
 入當道者曰主君之疾臣在帝側簡子曰然
 有之子之見我我何為當道者曰帝令主君
 射熊與罷皆死簡子曰是且何也當道者曰

晉國具有天難主君首之帝令主君滅二卿
 夫熊與罷皆其祖也正義曰范氏
 中行氏之祖簡子曰帝
 賜我二笥皆有副何也正義曰副謂
 皆子姓也當道者
 曰主君之子將克二國於翟皆子姓也正義
 曰謂
代及翟簡子曰吾見兒在帝側帝屬我一翟
 犬曰及而子之長以賜之夫兒何謂以賜翟
 犬當道者曰兒主君之子也翟犬者代之先
 也主君之子且必有代及主君之後嗣且有

革政而胡服正義曰今時服也并二國於翟正義

曰武靈王略中山也至寧葭西略胡地至樓煩榆中是也簡子問其姓而

延之以官當道者曰臣野人致帝命耳遠不

見簡子書藏之府異日姑布子卿見簡子司馬

彪曰姑布姓子卿字簡子徧名諸子相之子卿曰無為

將軍者簡子曰趙氏其滅乎子卿曰吾嘗見

一子於路殆君之子也簡子召子母邱母邱

至則子卿起曰此真將軍矣簡子曰此其母

賤翟婢也奚道貴哉子卿曰天所授雖賤必

貴自是之後簡子盡名諸子與語母邱最賢

簡子乃告諸子曰吾藏寶符於常山上先得

者賞諸子馳之常山上求無所得母邱還曰

已得符矣簡子曰奏之母邱曰從常山上臨

代代可取也正義曰地道記云恒山在上曲

五十里得恒山岓號簡子於是知母邱果賢

乃廢太子伯魯而以母邱為太子後二年晉

定公之十四年范中行作亂明年春簡子謂

邯鄲大夫午曰歸我衛士五百家吾將置之

晉陽服虔曰往年趙鞅圍衛衛人恐懼故貢

午許諾歸而其父兄不聽服虔曰午之諸父

倍言趙鞅捕午囚之晉陽乃告邯鄲人曰我

私有誅午也諸君欲誰立杜預曰午趙鞅同

邯鄲人更立遂殺午趙稷涉賓以邯鄲反

日稷晉君使籍秦圍邯鄲左傳曰籍秦此時

籍秦之孫籍談之子荀寅范吉射與午善

左傳曰午荀寅之甥荀寅范吉射之姻○索

隱曰系本云晉大夫趙襄子生桓伯桓伯生

本姓荀自荀偃將中軍晉改中軍曰中行因

氏焉元與智氏同祖趙襄子故智氏亦稱荀

而謀作亂董安于知之十月范中行氏正義

會食邑於范因為范氏又中行寅本姓荀自

因承襲趙伐趙鞅鞅奔晉陽晉人圍之范吉

射荀寅仇人魏襄等謀逐荀寅以梁嬰父代

之賈逵曰梁嬰父晉大夫也逐言射以范臯繹代之服虔曰范

氏之側荀躒言於晉侯曰服虔曰荀躒智文

室子荀躒言於晉侯曰子○索隱曰系本

云遊遊生莊子首首生武子整整生莊子朔

朔生悼子盈盈生文子櫟櫟生宣子申申生

君命大臣始亂者死今三臣始亂賈逵

而獨逐鞅用刑不均請皆逐之十一月

荀躒韓不佞魏哆奉公命以伐范中行氏索

公擊之范中行敗走丁未二子奔朝歌索隱

言射荀韓魏以趙氏為請服虔曰以其罪輕

其罪輕故韓魏為請晉君而得入絳十二月

辛未趙鞅入絳盟于公宮其明年知伯又子

謂趙鞅曰范中行雖信為亂安于殺之是安

于與謀也晉國有法始亂者死夫二子已伏

罪而安于獨在趙鞅患之安于曰臣死趙氏

定晉國寧吾死晚矣遂自殺趙氏以告知伯

史記卷六十五

十一

然後趙氏寧孔子聞趙簡子不請晉君而執
邯鄲午保晉陽故書春秋曰趙鞅以晉陽畔
趙簡子有臣曰周舍好直諫周舍死簡子每
聽朝常不悅大夫請臯簡子曰大夫無罪吾
聞千羊之皮不如一狐之腋諸大夫朝徒聞
唯唯不聞周舍之鄂鄂是以憂也韓詩外傳曰周舍立
於門下三日三夜簡子使問之曰子欲見寡
人何事對曰願為鄂鄂之片墨筆操牘從君
之過而日有記月簡子由此能附趙邑而懷
有成歲有效也

晉人晉定公十八年趙簡子圍范中行于朝

歌中行文子奔邯鄲索隱曰明年衛靈公卒

簡子與陽虎送衛太子蒯聵于衛衛不內居

戚正義曰括地志云故戚城在相州澶水縣東三十里杜預云戚衛邑在頓丘縣西有

是也晉定公二十一年簡子拔邯鄲中行文

子奔栢人簡子又圍栢人中行文子范昭子

遂犇齊索隱曰趙竟有邯鄲栢人范中行餘

邑入于晉趙名晉卿實專晉權奉邑併於諸

侯晉定公三十年定公與吳王夫差爭長於黃池趙簡子從晉定公卒長吳定公三十七年卒而簡子除三年之喪期而已是歲越王勾踐滅吳晉出公十一年知伯伐鄭趙簡子疾使太子毋卹將而圍鄭知伯醉以酒灌擊毋卹毋卹羣臣請死之毋卹曰君所以置毋卹為能忍詢然亦愠知伯知伯歸因謂簡子使廢毋卹簡子不聽毋卹由此怨知伯晉出

公十七年簡子卒

張華曰趙簡子冢在臨水界二冢併上魚成樓閣

太子毋卹代立是為襄子趙襄子元年越圍

吳

正義曰年表及趙世家云左傳越滅吳在簡子三十五年已在襄子元年前十五年

矣何得更有越圍吳之事從此以下至問吳王是三十年事文脫誤在此耳

襄子

降喪食使楚隆問吳王

正義曰左傳云哀公二十一年簡子死襄子

闕立以越圍吳故降父之祭饌而使楚隆慰問王為哀公十三年簡子在黃池之役與吳王質言曰好惡同之故滅祭饌又問吳王也而趙世家及六國年表云此年晉定公卒簡子除三年之喪服替而已按簡子死襄子姊及使吳年月皆誤與左傳文不同

襄子姊

前為代王夫人簡子既葬未除服北登夏屋

徐廣曰山在廣武正義曰括地志云夏屋山一名賈屋山今名賈毋山在代州鴈門縣

東北三十五里夏屋與句注山相接蓋北請方之險亦天下之阻路所以分別內外也

代王使厨人操銅料正義曰音斗合作料其形方有柄取煎水器說

文云以食代王及從者行斟陰令宰人各廣

日一以料擊殺代王及從官遂與兵平代地

其姊聞之泣而呼天摩笄自殺代人憐之所

死地名之為摩笄之山正義曰笄今簪也括地志云摩笄山一名

磨笄山亦名為山在蔚州飛狐縣東北百五十里魏土地記云代郡東南二十五里有馬

頭山趙襄子既殺代王使人迎其婦代王夫人曰以弟慢夫非仁也以夫怨弟非義也磨

笄自殺而死使遂以代封伯魯子周為代成

君伯魯者襄子兄故太子太子蚤死故封其

子襄子立四年知伯與趙韓魏盡分共范中

行故地晉出公怒告齊魯欲以伐四卿四卿

恐遂共攻出公出公奔齊道死知伯乃立昭

公會孫驕是為晉懿公索隱曰或作哀公其大父名雍即昭公少

子號戴子也知伯益驕請地韓魏韓魏與之請地

趙趙不與以其圍鄭之辱知伯怒遂率韓魏

攻趙趙襄子懼乃奔保晉陽原過從後至於

王澤正義曰括地志云王澤在絳州正平縣南七里也見三人自帶

以上可見自帶以下不可見與原過竹二節

莫通曰為我以是遺趙毋卹原過既至以告

襄子襄子齊三日親自剖竹有朱書曰趙毋

卹余霍泰山徐廣曰在河東永安縣山陽侯天使也三

月丙戌余將使女及滅知氏女亦立我百邑

余將賜女林胡之地至于後世且有仇主赤

黑龍面而鳥喙鬢髯大膺大胃脩下而

馮左袷界乘徐廣曰脩或作奄有河宗正義曰

天子傳云河宗之子孫則柏黎按蓋在龍門河之上流嵐勝二州之地也至于休

溷諸貉正義曰首陌自河宗休戎狄之地也南伐晉別正義

日稍南伐首之別邑謂韓魏之邑也北滅黑姑正義曰亦戊國襄子再

拜受三神之令三國攻晉陽歲餘引汾水灌

其城城不浸者三版正義曰何休云八尺曰版城中懸釜

而炊易子而食群臣皆有外心禮益慢唯高

共徐廣曰一作赫不敢失禮襄子懼乃夜使相張孟

同私於韓魏索隱曰戰國策作張孟談談者史記之父名遷例改為同韓

魏與合謀以三月丙戌三國反滅知氏共分

其地於是襄子行賞高共為上張孟同日晉

陽之難唯共無功襄子曰方晉陽急羣臣皆

懈唯共不敢失人臣禮是以先之於是於是趙北

有代南并知氏疆於韓魏遂祠三神於百邑

使原過主霍泰山祠祀正義曰括地志云三神祀今名原過祠今

在霍山側也其後娶空同氏正義曰括地志云崆峒山在蕭州福祿縣

東南六十里古西戎地又原州平高縣西百里亦有崆峒山即黃帝問廣成子道處俱是

西戎地未知孰是生五子襄子為伯魯之不立也不

肯立子且必欲傳位與伯魯子代成君成君

先死乃取代成君子浣立為太子索隱曰代成君名周

伯魯之子系本云代成君子起襄子立三十

即襄子之子不云伯魯非也

三年卒浣立是為獻侯獻侯少即位治中牟

地理志曰河南中牟縣趙獻侯自耿從此噴

曰中牟在春秋之時是鄭之疆內也及三卿

分晉則在魏之邦土也趙界自漳水以北不

及此春秋傳曰衛侯如晉過中牟按中牟非

衛適晉之次也汲郡古文曰齊師伐趙東鄙

圍中牟此中牟不在趙之東也按中牟當潞

水之北○索隱曰此趙中牟在河北非齊之

中牟○正義曰按五鹿在魏州元城縣東十

二里鄴即相州湯陽縣西五十八里

有牟山蓋中牟邑在此山側也襄子弟桓

子逐獻侯自立於代索隱曰系本云襄子一

年卒國人曰桓子立非襄子意乃共殺其子

而復迎立獻侯十年中山武公初立

徐廣曰

公之子桓公者孝王弟而定王子○索隱曰

中山古解虞國姬姓也系本云中山武公居

立獻侯

顧桓公徒靈壽為趙武靈王所滅不言誰之

子孫徐廣曰西周桓公之子亦無所據蓋未

得其

實

十三年城平邑

地理志曰代十五年獻

侯卒子烈侯籍立烈侯元年魏文侯伐中山

使太子擊守之六年魏韓趙皆相立為諸侯

追尊獻子為獻侯烈侯好音謂相國公仲連

史記卷一百一十五

三十一

之則否烈侯曰然夫鄭歌者捨石二人索隱曰捨

音七羊反捨與石二人名吾賜之田人萬畝公仲曰諾不

與居一月烈侯從代來問歌者田公仲曰求

未有可者有頃烈侯復問公仲終不與乃稱

疾不朝番吾君徐廣曰番音盤常山有番吾縣○正義曰括地志云番吾

故號在恒州旁山縣東二十里番蒲古今音異耳自代來謂公仲曰

君實好善而未知所持今公仲相趙於今四

年亦有進士乎公仲曰未也番吾君曰牛畜

荀欣徐越皆可公仲乃進三人又朝烈侯復

問歌者田何如公仲曰方使擇其善者牛畜

侍烈侯以仁義約以王道烈侯道然正義曰道音由

古字與倣同言牛畜以仁義約以王明道故止歌者田收收氣行兒寬緩也明日荀

欣侍以選練舉賢任官使能明白徐越侍以

節財儉用察度功德所與無不克君說烈侯

使使謂相國曰歌者之田且止官牛畜為師

荀欣為中尉徐越為內史正義曰漢書百官公卿表云少府內

史周官秦因之掌治京師也賜相國衣二襲單復具九年

烈侯率弟武公立索隱曰燕周云系本又說趙語者並無其事蓋別有

據所武公十三年率趙復立烈侯太子章是為

敬侯是歲魏文侯卒敬侯元年武公子朝作

亂不克出奔魏趙始都邯鄲二年敗齊于靈

丘地理志曰代郡有靈丘縣三年救魏于廩丘大敗齊人

四年魏敗我兔臺正義曰兔臺剛平並在河北以

侵衛五年齊魏為衛攻趙取我剛平六年借

兵於楚伐魏取棘蒲正義曰今趙州平棘縣古棘蒲邑也八年

拔魏黃城杜預曰陳留外黃縣東有黃城正義曰括地志云故黃城在魏州

冠氏縣南十里因黃蒲為名按陳留外黃城非隨所別也九年伐齊齊伐

燕趙救燕十年與中山戰于房子正義曰趙州房子縣

是十一年魏韓趙共滅晉分其地伐中山又

戰於中人徐廣曰中山唐縣有中人亭○正義曰括地志云中山故城一名中

人亭在定州唐縣東北四十一里春秋時鮮虞國之中人邑也十二年敬侯

卒子成侯種立成侯元年公子勝與成侯爭

立為亂二年六月雨雪三年入戊午為相徐廣

日戌一作戌一伐衛取邶邑七十三魏敗我蘭正義曰地

理志云屬西河郡也四年與秦戰高安正義曰蓋敗之

五年伐齊于鄆正義曰濮州鄆城縣是也魏敗我懷攻鄭

敗之以與韓韓與我長子地理志曰上六年

中山築長城伐魏敗涿澤正義曰涿音濁徐廣云長杜有濁澤

非也括地志云濁水源出蒲州解縣東北平

地爾時魏都安邑韓趙伐魏豈河南至長社

也解縣濁水近圍魏惠王七年侵齊至長城

於魏都當是也

正義曰齊長城西頭在齊州平陰縣太山記

云太山西北有長城綠河經太山千餘里瑯

瑯入海括地志云所侵與韓攻周八年與韓

分周以為兩徐廣曰顯王二年周紀無此○

二年西周惠公封少子班於鞏為東周其子

武公為秦所滅郭緣生述征記云鞏縣本周

鞏伯九年與齊戰阿下徐廣曰戰一作會也

今濟州東阿縣也十年攻衛取甄十一年秦攻魏趙

救之石阿正義曰蓋在石十二年秦攻魏少

梁正義曰少梁故城在同州韓城趙救之十

三年秦獻公使庶長國伐魏少梁虜其太子

座魏敗我澮取皮牢徐廣曰魏年表曰取趙皮牢○正義曰括地志

云澮水縣在絳州翼城縣東南二十里按皮牢當在澮之側成侯與韓昭

侯遇上黨十四年與韓攻秦十五年助魏攻

齊十六年與韓魏分晉封晉君以端氏徐廣曰在

平陽○正義曰十七年成侯與魏惠王遇葛

孽徐廣曰在馬丘年表曰十八年稍孟如齊○正義曰括地志云澮水縣在絳州翼城

縣東南二十五里按皮牢當在澮水側十九年與齊宋會平陸

正義曰兖州縣也平陸城與即古履國也與燕會阿正義曰括地志云故葛城

一名依城又名西阿城在瀛州高陽縣西北五十里以徐充二木並過其西又徂經其北

曲曰阿以齊有東阿故曰西阿城地理志云瀛州屬河間朔分也按燕趙即此也二

十年魏獻榮椽因以為檀臺徐廣曰襄國縣有檀臺○索隱

曰劉氏云榮椽蓋地名其中有高處可以為臺非也按榮椽是良材可為椽登節有光榮

所以魏獻之故趙因用之以為檀臺○正義曰鄭文云榮屋翼也說文云椽椽也屋指之

兩頭起者為榮也括地志云檀臺在洛州臨洛縣北二里二十一年魏圍

我邯鄲二十二年魏惠王拔我邯鄲齊亦敗

魏於桂陵

正義曰：括地志云：故桂城在曹州乘縣東北二十一里，故老云：此即

桂陵也。

二十四年魏歸我邯鄲，與魏盟漳水上。

秦攻我蘭，二十五年成侯卒，公子緹薛與太

子肅侯爭立。

索隱曰：系本云：肅侯名語。

緹敗亡，奔韓，肅侯

元年奪晉君端氏，徙處屯留。

正義曰：括地志云：屯留故城在

潞州長子縣東北三十里，本漢屯留縣城也。

二年與魏惠王遇於

陰晉。

正義曰：地理志云：華陰縣魏之陰晉，秦惠文王更名寧秦，高帝更名華陰，今屬

州三年公子范襲邯鄲，不勝而死。四年朝天

子六年攻齊，拔高唐。七年公子刻攻魏，首垣

正義曰：蓋在河北也。

十一年秦孝公使商君伐魏，虜其

將公子邛，趙伐魏。十二年秦孝公卒，商君死。

十五年起壽陵。

正義曰：徐廣云：在常州。

魏惠王卒。十六

年肅侯游大陵。

徐廣曰：太原有大陵縣，亦曰陸。○正義曰：括地志云：大陵

城在并州文水縣北十三里，漢大陵縣城。

出於鹿門。

正義曰：并州

鹿泓，魏出自鹿山，南海蓋鹿門，在北山水之側也。

大戊午扣馬。

呂忱曰：扣

馬，曰耕事方急，一日不作，百日不食。肅侯下

車謝十七年圍魏黃不克地理志曰山陽有黃縣○正義曰黃

城在魏州前按之却築長城正義曰劉伯莊云蓋從雲中以

北至代按蒗長城從蔚州北西至嵐州北十盡趙界又疑此長城在潭水之北補南界十

八年齊魏伐我我決河水灌之兵共二十二

年張儀相秦趙疵與秦戰敗秦殺疵河西取

我藺離石二十三年韓舉徐廣曰韓村與齊魏戰

死于桑丘地理志云泰山有桑丘縣○正義

縣界或云在泰山非也此時齊伐燕桑丘三晉皆來救之不得在泰山有桑丘縣此說甚

也二十四年肅侯卒秦楚燕齊魏出銳師各

萬人來會葬子武靈王立索隱曰武靈王元

年徐廣曰年表云陽文君趙豹相梁襄王與

太子嗣韓宣王與太子倉來朝信宮正義曰

臨洛武靈王少未能聽政博聞師三人左右

司過三人及聽政先問先王貴臣肥義加其

秩國三老年八十月致其禮三年城鄗四年

與韓會于區鼠正義曰蓋五年娶韓女為夫

與韓會于區鼠正義曰蓋五年娶韓女為夫

人八年韓擊秦不勝而去五國相王趙獨否

曰無其實敢處其名乎令國人謂也曰君九

年與韓魏共擊秦秦敗我斬首八萬級齊敗

我觀澤正義曰括地志云觀澤故城在魏州頓丘縣東十八里也十年秦

取我西都及中陽徐廣曰年表云秦取中都西陽安邑十一年秦敗我

將軍英太原有中都齊破燕燕相子之為君

君反為臣十一年王召公子職於韓立以為

燕王徐廣曰紀年亦云爾使樂池送之燕世家子之死後燕人共立太

子平是為燕昭王燕趙送公子職為燕王雖使樂池

是疎也今此云使樂池送之必是憑舊史為

說且紀年之書其說又十三年秦拔我蘭虜

將軍趙莊正義曰本一作楚魏王來過邯鄲

十四年趙何攻魏十六年秦惠王卒王遊大

陵他日王夢見處女鼓琴而歌詩曰美人榮

榮兮蔡母遂曰陵苕之草其華紫○正義曰苕音條毛詩

疏云苕饒也幽州謂之翹饒蔓似瑩豆而細葉似蒺藜而青其葉細綠色可生食味如小

豆藿也。又本草經云：陵苕生下濕水中，七八月生華紫草，可以染帛。莫休頭髮即黑也。

命乎命乎，曾無我羸。秦母遂曰：言有命祿生，遇其時人莫知已貴盛。

盈端也。正義曰：按命名也。羸，姓羸也。言世衆名其美好，曾無我好羸也。重言名呼者，以

談說衆也。異日王飲酒樂數言，所夢想見其狀，吳

廣聞之，因夫人而內其女娃羸。方言曰：姓美也。吳有館娃

宮之孟姚也。徐廣曰：古史考云：內其女曰娃。姚，孟姚之後，故上

文云：余思虞舜之勲，故命其曾女孟姚以配而七代之孫是也。然後封虞在河東大陽山

西，有上虞城是，亦曰吳城。虞，吳音相近。故舜後亦姓吳，非獨太伯虞仲之裔。孟姚

甚有寵於王，是為惠后。十七年王出九門。徐廣曰：在常山。正義曰：本戰國時，趙邑，戰國為第云，本有宮室而居。趙武靈王改為九門。

野臺。徐廣曰：野一作望。正義曰：括地志云：野臺一名義臺，在定州樂縣西南西南

六十三里也。以望齊，中山之境。十八年秦武王與

孟說舉龍文赤鼎，絕臚而死。徐廣曰：一作絕，與音亡了反。

趙王使代相趙固迎公子稷於燕，送歸立為

秦王，是為昭王。十九年春正月，大朝信宮，召

肥義與議天下五日而畢。王北略中山之地

肥義與議天下五日而畢。王北略中山之地

至於房子

正義曰趙州縣也

遂之代北至無窮西至

河登黃華之上

正義曰黃華蓋西河側之山名也

名樓緩謀

曰我先王因世之變以長南藩之地屬阻障

溢之險立長城又取蘭郭狼敗林人

正義曰即林胡

也於荏而功未遂今中山在我腹心北有燕

正義曰地理志云趙分晉北有信都中山又得郡之高陽鄆州鄉東有清河之間又得渤海郡東平舒等七縣在

河以北故言北有燕

東有胡

正義曰趙東有瀛州之東

北營州之境即東胡烏丸之地服西有林胡

樓煩秦韓之邊

正義曰林胡樓煩即嵐勝之北也嵐勝以南石州離石蘭

等七國時趙邑邊也秦隔河也晉洛路而無

強兵之救是亡社稷奈何夫有高世之名必

有遺俗之累吾欲胡服樓緩曰善羣臣皆不

欲於是肥義侍王曰簡襄主之烈計胡翟之

利為人臣者寵有孝悌長幼順明之節通有

補民益主之業

正義曰寵貴寵也通達理也凡為人臣有孝弟長幼順明

之節制者得貴寵也有補民益主之功業者為達理也此兩者臣之分

也今吾欲繼襄主之跡開於胡翟之鄉而卒

世不見也正義曰卒子律反盡也言盡世為

敵弱正義曰我為胡服用力少而功多可以

毋盡百姓之勞而序往古之勳正義曰厚重

簡子襄子夫有高世之功者負遺俗之累正義曰

言古用公孔子留衣冠禮義之俗今有獨智

之慮者任驚民之怨正義曰言世有獨計智

慢之民今吾將胡服騎射以教百姓而世必

議寡人奈何肥義曰臣聞疑事無功疑行無

名王既定負遺俗之慮殆無顧天下之議矣

夫論至德者不和於俗成大功者不謀於眾

昔者舜舞有苗禹袒裸國非以養欲而樂志

也務以論德而約功也愚者闇成事智者覩

未形則王何疑焉王曰吾不疑胡服也吾恐

天下笑我也狂夫之樂智者哀焉愚者所笑

賢者察焉世有順我者胡服之功未可知也

雖驅世以笑我胡地中山吾必有之於是遂
胡服矣使主縹告公子成曰寡人胡服將以
朝也亦欲叔服之家聽於親而國聽於君古
今之公行也子不友親臣不逆君兄弟之通
義也徐廣曰兄弟一作元夷元始也夷平也今寡人作教易服
而叔不服吾恐天下議之也制國有常利民
為本從政有經令行為上明德先論於賤而
行政先信於貴今胡服之意求以養欲而樂

志也事有所止而功有所出

正義曰鄭玄云止至也為人君

止於仁為人臣止於敬為人子止於孝為人父止於慈與國人交止於信按出猶成也

事成功立然後善也今寡人恐叔之逆從政
之經以輔叔之議且寡人聞之事利國者行
無邪因貴戚者名不累故願慕公叔之義以
成胡服之功使縹謁之叔索隱曰絕句請服焉公
子成再拜稽首曰臣固聞王之胡服也臣不
佞寢疾未能趨是以滋進也王命之臣敢對

因竭其愚忠曰臣聞中國者蓋聰明徇智之
所居也徐廣曰五帝本紀云初而徇齊萬物財用之所聚也
賢聖之所教也仁義之所施也詩書禮樂之
所用也異敏技能之所試也遠方之所觀也
也蠻夷之所義行也今王舍此而襲遠方之
服變古之教易古之道逆人之心而怫學者
離中國故臣願王圖之也使者以報王曰吾
固聞叔之疾也我將自往請之王遂往之公

子成家因自請之曰夫服者所以便用也禮

者所以便事也聖人觀鄉而順宜因事而制

禮所以利其民而厚其國也夫翦髮文身錯

臂左衽索隱曰錯臂亦文身謂以丹青錯畫其臂孔衍作右臂左衽謂左袒其臂

也索隱曰劉氏云今珠崖儋耳甌越之民也謂之甌人是有甌越○正義

日按屬南越故言甌越也輿地志云交阯周時為駱越秦時曰西甌文身斷髮避龍則西

甌駱又在番禺之西南越又甌駱皆羊黑齒

雕題劉逵曰以草涂齒用白作黑鄭玄却冠

林紉

徐廣曰戰國策作林縫紉亦縫紉之別名也銖者綦織也古字多假借故作林

紉耳此蓋言其女功織縷之麤拙也又一本作銖冠黎縷也大吳之國也

故禮服莫同其便一也鄉異而用變事異而

禮易是以聖人果可以利其國不一其用果

可以便其事不同其禮儒者一師而俗異中

國同禮而教離况於山谷之便乎故去就之

變智者不能一遠近之服賢聖不能同窮鄉

多異曲學多辨不知而不疑異於已而不非

者公焉而衆求盡善也今叔之所言者俗也

吾所言之所以制俗也吾國東有河薄洛之

水徐廣曰安平經縣西有漳水津名薄與

中山同之正義曰爾時齊與中山相親中山

須有舟楫之備無舟楫之用自常山以至代上黨徐廣

日一云自常山以下代上黨以東東有燕東胡之境而西有

樓煩秦韓之邊今無騎射之備故寡人無舟

楫之用夾水居之民將何以守河薄洛之水

變服騎射以備燕三胡秦韓之邊索隱曰林胡樓煩東

胡是三胡也且昔者簡主不塞晉陽以及上黨而

襄主并戎取代以攘諸胡此愚智所明也先

時中山負齊之疆兵侵暴吾地係累正義曰上音計

下力吾民引水圍鄣微社稷之神靈則鄣樂

於不守也先王醜之而怨未能報也今射

之備近可以便上黨之形而遠可以報中山

之怨而叔順中國之俗以逆簡襄之意惡變

服之名以忘鄙事之醜茲寡人之所望也公

子成再拜稽首曰臣愚不達於王之義敢道

世俗之間臣之臯也今王將繼簡襄之意以

順先王之志臣敢不聽命乎再拜稽首乃賜

胡服明日服而朝於是始出胡服令也趙文

趙造周紹徐廣曰戰國策作紹紹音紹趙俊皆諫止王毋

胡服如故法便王曰先王不同俗何古之法

帝王不相襲何禮之循處戲神農教而不誅

黃帝堯舜誅而不怒及至三王隨時制法因
事制禮法度制令各順其宜衣服器械各便
其用故禮也不必一道而便國不必古聖人
之興也不相襲而王夏殷之衰也不易禮而
滅然則及古未可非而循禮未足多也且服
奇者志淫則是鄒魯無奇行也索隱曰按鄒魯好長纓是
奇服也服非其志皆淫僻也而有俗辟者民
孔門頌冉之屬豈是無奇行哉俗辟者民
易則是吳越無秀士也索隱曰言方俗僻處山谷而人皆改易不

通大化則是吳越無秀士何得有延州來及大夫種之屬哉且聖人利身

謂之服便事謂之禮夫進退之節衣服之制
者所以齊常民也非所以論賢者也故齊民
與俗流賢者與變俱故諺曰以書御者不盡
馬之情以古制今者不達事之變循法之功
不足以高世法古之學不足以制今子不及
也遂胡膝招騎射二十年王略中山地至寧

葭索隱曰一作蔓葭西略胡地至掄中正義曰勝

州北河也林胡王獻馬歸使樓緩之秦仇液之

韓王賁之楚富丁之魏趙爵之齊代相趙固

主胡致其兵二十一年攻中山趙招為右軍

許鈞為左軍公子章為中軍王并將之牛翦

將軍騎趙希并將胡代趙與之陘徐廣曰一作陸又作

陘或宜言輔與之陘陘者山絕之名常山有

井陘中山有苦陘上黨有閼與○正義曰與

音與陘音荆陘陘山也在并州陘縣東南十

八里然稍希并將代趙之兵與諸軍向井陘

之側共出定州上曲陽縣合軍合軍曲陽徐

攻取丹丘華陽鷓上之關也

曰上曲陽在常山下曲陽在鉅鹿○正義曰

括地志云上曲陽故城在定州曲陽縣西五

里按合軍曲陽即上曲陽也攻取丹丘正義曰蓋

縣華陽正義曰括地志云北岳有五別名一

也華陽曰蘭亭府二曰列女官三曰華陽臺

四曰紫臺五曰太一宮按此岳恒鷓之塞正義

山在定州恒陽縣北百四十里曰上昌之反下先代反徐廣曰鷓一作鴻上

故關今名汝城在定州唐縣東北十六里本

晉鴻上關城也又有鴻上水源出唐縣北葛

洪山接比岳恒山與鴻上塞皆在定州然一

本作鳴字誤也王軍取鄆石邑徐廣曰在常山○正

故城在恒州鹿泉縣南封龍正義曰括地志

三十五里六國時舊邑

云封龍山一名

飛龍山在恒州鹿泉縣南四十五里邑因山為名

東垣中山獻四邑

和王許之罷兵二十三年攻中山二十五年

惠后卒索隱曰謂武靈王之后前太子章之母惠文王之嫡母也惠后卒後吳姓

始當正室至孝成二年稱惠文后卒是也而下文又云吳姓死後姓子何寵喪故太子欲

兩王之是誤也使周紹胡服傳王子何二十六年復

攻中山攘地北至燕代西至雲中九原二十

七年五月戊申大朝於東宮傳國立王子何

以為主王廟見禮畢出臨朝大夫悉為臣肥

義為相國并傳王是為惠文王惠文王惠后

吳娃子也武靈王自號為主父主父欲令子

主治國而身胡服將士大夫西北略胡也而

欲從雲中九原直南襲秦於是詐自為使者

入秦秦昭王不知已而怪其狀甚偉非人臣

之度使入逐之而主父馳已脫關矣審問之

乃主父也秦人大驚主父所以入秦者欲自

略地形因觀秦王之為人也惠文王徐廣曰元年以

公子勝為二年主父行新地遂出代西遇樓

相封平原日今延州膚施縣也於膚施徐廣曰在上郡正義起靈壽徐廣曰在

常北地方從代道大通還歸行賞大赦置酒

酺五日封長子章為代安陽君正義曰孫地志云東安陽

弟眇為主父又使田不禮相章也李兌謂肥

義曰公子章彊壯而志驕黨眾而欲大殆有

私乎田不禮之為人也忍殺而驕二人相得

必有謀陰賊起一出身微幸夫小人有欲輕

慮淺謀徒見其利而不顧其害同類相推俱

入禍門以吾觀之必不久矣子任重而勢大

亂之所始禍之所集也子必先患仁者愛萬

物而智者備禍於未形不仁不智何以為國

子奚不稱疾毋出傳政於公子成毋為怨府

毋為禍梯肥義曰不可昔者主父以至屬義

史記卷之十一

三十九

也曰母變而度母異而慮堅守一心以歿而
世義再拜受命而藉之今畏不禮之難而忘
吾籍變孰大焉進受嚴命退而不全身孰甚
焉變負之臣不容於刑諺曰死者復生生者
不愧正義曰肥義報李充云必盡傳何為王
復更變生并見在生者並見傳吾言已在前
矣吾欲全吾言安得全吾身且夫貞臣也難
至而節見忠臣也累至而行明子則有賜而

忠我矣雖然吾有語在前者也終不敢失李

兌曰諾子勉之矣吾見子已今年耳涕泣而

出李兌數見公子成以備田不禮之事異日

肥義謂信期曰索隱曰即下文高信也公子

與田不禮甚可憂也其於義也聲善而實惡

此為人也不子不臣吾聞之也姦臣在朝國

之殘也讒臣在中主之蠹也此人貪而欲大

內得生而外為暴矯令為慢以擅一旦之命

不難為也。禍且速國。今吾憂之夜而忘寐，飢而忘食，盜賊出入不可不備。自今以來，若有名王者必見吾面，我將先以身當之，無故而王乃久信。期曰：善哉！吾得聞此也。四年，朝羣臣安陽，君亦來朝。主父令王聽朝而自從，旁觀窺羣臣宗室之禮，見其長子章儻然也。又北面為臣，訟於其弟，心憐之。於是乃欲分趙而王章於代，計未決而輟。主父及王游沙丘。

異官

正義曰：在邢州平鄉縣東北二十里矣。

公子章即以其徒

與田不禮作亂，詐以主父令召王。肥義先入，殺之高信，即與王戰。公子成與李兌自國至，乃起四邑之兵入，距難殺公子章及田不禮，滅其黨賊而定王室。公子成為相，號安平君。李兌為司寇，公子章之敗，往走主父。主父聞

之索隱曰：開謂開門而納之，俗本亦作聞字者，非也。譙周及孔衍皆作閉之，閉謂藏也。
○正義曰：謂不責其反叛之罪，容其入官，閉藏也。成兌因圍主父官。

公子章死公子成李兌謀曰以章故圍主父
即解兵吾屬夷矣乃遂圍主父令宮中人後
出者夷宮中人悉出主父欲出不得又不得
食探爵齧而食之綦母遂曰齧爵子也○索隱曰生受哺者謂之齧
三月餘而餓死沙丘宮應即曰武靈王葬代郡靈丘縣正義曰
括地志云趙武靈王墓在蔚州靈丘縣東三十里應說是也主父定死乃
發喪赴諸侯是時王少成兌專政畏誅故圍
主父主父初以長子章為太子後得吳娃愛

之為不出者數歲生子何乃廢太子章而立

何為主吳娃死愛弛憐故太子欲兩王之猶

豫未決故亂起以至父子俱死為天下笑豈

不痛乎徐廣曰或無此十四字主父死惠文王立立五

年與燕鄭易徐廣曰皆屬八年城南行唐徐廣

曰在常山○正義曰行寒庚反括地志云行唐縣屬冀州為南行唐築城九年趙

梁將與齊合軍攻韓至魯關下正義曰劉伯莊云蓋在南

河魯陽關按汝州及十年秦自置為西帝十

一主董叔與魏氏伐宋得河陽於魏秦取梗

陽

杜預曰太原晉陽縣南梗陽城也○索隱曰地理志云太原榆次有梗陽鄉與杜預

所據小別也○正義曰括地志云梗陽故城在并州清源縣南百二十步分晉陽縣置本

漢榆次縣地春秋晉大夫祁氏邑也十二年趙梁將攻齊十三

年韓徐為將攻齊公至死索隱曰蓋其姓十

四年相國樂毅將趙秦韓魏燕攻齊取靈丘

索隱曰年表及韓魏等系家五國攻齊在明年應此下文十五年重擊齊是此文為得蓋

此年同伐齊耳○與秦會中陽正義曰括地正義曰燕丘縣也志云中陽故

縣在汾州偃城縣南十五年燕昭王來見趙

與韓魏秦共擊齊齊王敗走燕獨深入取臨

菑十六年秦復與趙數擊齊人患之蘇月為

齊遺趙王書曰臣聞古之賢君其德行非希

於海內也教順非洽於民人也祭祀時享非

數常於鬼神也甘露降時雨至年穀豐熟民

不疾疫衆人善之然而賢主圖之今足下之

賢行功力非數加於秦也怨毒積怒非素深

於齊也。秦趙與國，以疆徵兵於韓，秦誠愛趙乎？其實憎齊乎？物之甚者，賢主察之。秦非愛趙而憎齊也，欲亡韓而吞二周，故以齊餽天下，恐事之不合，故出兵以劫魏趙，恐天下畏已也。故出質以為信，恐天下亟也。故徵兵於韓，以威之。聲以德與國，實而伐空韓。索隱曰：與國，趙也。秦趙今為與國，秦徵兵於韓，共趙代齊，以威聲和趙，是以德與國也。臣以秦計為必出於此，夫物固有勢異而患同者。

楚久伐而中山亡，今齊久伐而韓必亡，破齊

王與六國分其利也。亡韓，秦獨擅之，彼二周

西取祭器，秦獨私之。賦田計功，王之獲利孰

與秦多？說士之計曰：韓亡三川。正義曰：河南之地，兩州之

間魏亡晉國。正義曰：河北之市朝未變而禍

已及矣。燕盡齊之北地，去沙丘鉅鹿，斂三百

里。正義曰：沙丘，邢州也。鉅鹿，冀州也。齊北界

具州也。斂，滅也。言破齊滅韓之後，燕之南界秦之東界，相去滅三韓之上黨，去邯鄲百

里燕秦謀王之河山間三百里而通矣秦之

上郡正義曰鄜地等州也近挺關至於榆中者千五百

里秦以三郡攻王之上黨正義曰秦上黨郡今澤潞儀沁等四

州之地兼相州之半韓摠有之至七國時趙

得儀沁二州之地韓猶有潞州及澤州之半

半屬趙魏沁州在羊腸坂之西儀并代三州

在勾注山之南秦以三郡攻趙之澤潞則勾

注之南趙無地然秦始皇置上黨郡此言

之者太史公却引前書也他皆倣此也

羊

腸之西正義曰太行山坂道名勾注之南正義

曰勾注山在代州西北也

非王有已踰勾注斬常山而守

之三百里而通於燕代馬胡犬不東下正義曰言

秦踰勾注山斬常山而守之西北代馬胡犬

不東入趙沙州崑山之玉亦不出至趙矣郭

璞云胡地野犬似狐而小昆山之玉不出此三寶者亦非

王有已王久伐齊從疆秦攻韓其禍必至於

此願王孰慮之且齊之所以伐者以事王也

正義曰以趙王為事也而秦必伐之也天下屬行以謀王也正義

曰上音獨下胡郎反言秦欲令齊

稱帝與約五國共滅趙三分趙地

燕秦之約

成而兵出有百矣五國三分王之地正義曰謂秦齊

也

也

也

也

也

也

也

也

也

也

韓魏燕三分齊倍五國之約而殉王之患正義

趙王之患也從西兵以禁彊秦秦廢帝請服

正義曰言秦齊相約欲更重魏帝故言廢帝也反高平根柔於魏徐廣

曰紀年魏哀王四年改陽曰河雍向日高平根柔一作挽柔一作平柔○正義曰返還也

括地志云高平故城在懷州河陽縣西四十里紀年云魏哀王改向日高平也根柔未詳

兩邑魏反聖分徐廣曰一作王先俞於趙徐廣

曰爾雅曰西俞鴈門是也○正義曰聖音邢分字誤當作山字耳括地志云勾注山一名

西陘山在代州鴈門縣西北四十里俞音戊郭注云西陘即鴈門山也按西先聲相近蓋

陘山西陘二山之地並在代州鴈門縣皆趙地也齊之事王宜為上

佼案隱曰佼猶行也而今乃抵臯正義曰謂共臣恐

天下後事王者之不敢自必也願王孰計之

也今王毋與天下攻齊天下必以王為義齊

抱社稷而厚事王天下必盡重王義王以天

下善秦秦暴王以天下禁之是一世之名寵

制於王也於是趙乃輟謝秦不擊齊王與燕

王遇廉頗將攻齊昔陽正義曰括地志云昔陽故城一名陽城在

并州樂平縣東春秋釋地名云昔陽服國所
都也樂平城治縣東昔陽城服姓自狄別種
也樂平縣城也社頽曰樂平治十七年樂

毅將趙師攻魏伯陽正義曰括地志云伯陽
故城一名即會城在相

州鄴縣西五十五里七國時魏邑漢邯鄲會城而秦怨趙不與已擊

齊伐趙拔我兩城十八年秦拔我石城正義
曰地

理志云右北平有石城縣括地志云石城在
相州林慮縣西南九十里疑相州石城是

王冉之衛東陽決河水正義曰括地志云東
陽故城故魏在貝州

歷亭縣界按東陽先屬衛今屬趙河歷貝州
南東北流過河南岸即魏地也故言王冉之

衛東陽伐魏氏也伐魏氏大潦漳水出魏冉來相趙

十九年秦敗我二城趙與魏伯陽趙奢將攻

齊麥丘取之二十年廉頗將攻齊王與秦昭

王遇西河外徐廣曰年表云
與秦會澠池二十一年趙徙

漳水武平西正義曰括地志云武平亭今名
渭城在瀛州文安縣北七十二

里按二十七年又徙漳水武平南二十二年大疫置公子丹

為太子二十三年樓昌將攻魏樂正義曰音
祈

齊幾拔之又戰國策云秦敗閱與及攻魏樂
按發邑或屬齊或屬魏當在相潞之間也

不能取十二月廉頗將攻幾取之二十四年

廉頗將攻魏房子徐廣曰屬常山拔之因城而還又

攻安陽取之二十五年燕周將攻昌徐廣曰屬齊郡

○索隱曰燕周趙人為趙將○正義曰括地志云故昌城在淄州淄川縣東北四十里

城高唐取之與魏共擊秦秦將白起破我華

陽正義曰括地志云故華陽城在鄭州管城縣南四十里司馬彪云華陽亭在今洛州

密縣是時魏韓趙聚兵於華陽西攻秦得一將軍二十六年取

東胡正義曰今營州也歐代地索隱曰蓋東胡叛趙

故取之也二十七年徙漳水武平南封趙豹為平

陽君戰國策曰趙豹平陽君惠文王母弟河水出大滌二十八

年蘭相如伐齊至平邑正義曰括地志云平邑故城在魏州昌樂

將東北四十里也罷城北九門大城正義曰恒州九門縣城燕

將成安君公孫操弑其王徐廣曰年表云是燕武成王元年○

索隱曰樂資云其王即惠王二十九年秦韓相攻而圍闕

與正義曰上於連反下音頊括地志云闕與聚落今名烏蘇城在潞州銅鞮縣西北二

十里又儀州順和縣城亦云韓闕與邑二所未詳又有闕與山在洛州武安縣西五十里

蓋是也。趙使趙奢將擊秦，大破秦軍，關與下賜。

號為馬服君。正義曰：因馬服山為號也。虞喜志林云：馬服之首也。號曰馬服。

者言能服馬也。括地志云：馬服山，邯鄲縣西北十里也。三十三年，惠文

王卒，太子丹立，是為孝成王。孝成王元年，涂廣

曰平原君相也。秦伐我，拔三城。趙王新立，太后用事。

秦急攻之，趙氏求救於齊。齊曰：必以長安君

正義曰：長安君者，以長安善故名也。為質，兵乃出。索隱曰：孔衍云：長安君，惠

文后之少子也。趙亦有長安，今其地闕。太后不肯。大臣彊諫，太

后明謂左右曰：復言長安君為質者，老婦必

唾其面。左師觸龍言，願見太后。太后盛氣而

胥之入。胥，猶須也。穀梁傳曰：胥，其出也。徐趨而坐，自謝曰：老

臣病足，曾不能疾走，不得見久矣。竊自恕而

恐，太后體之有所苦也。故願望見太后。太后

曰：老婦恃輦而行。索隱曰：東哲云：趙惠文王

子也。如系家計之，則武靈王十六年夢吳姓而納之，至二十七年，王薨，及惠文王三十二

年卒，孝成王元年，遺長安君質於齊。若姓年二十八，王宮至此在六十左側，亦可稱老矣。

而東廣微言太后纔三十有奇者誤也

曰食得毋衰乎曰恃粥

耳曰老臣間者殊不欲食乃彊步日三四里少益嗜食和於身也太後曰老婦不能太後不和之色少解左師公曰老臣賤息舒棋最少不肖而臣衰竊憐愛之願得補黑衣之缺以衛王宮昧死以聞太後曰敬諾年幾何矣對曰十五歲矣雖少願及未填溝壑而託之太後曰丈夫亦愛憐少子乎對曰甚於婦人

太后笑曰婦人異甚對曰老臣竊以為媼之愛燕后賢於長安君太后曰君過矣不若長安君之甚左師公曰父母愛子則為之計深遠媼之送燕后也持其踵為之泣念其遠也亦哀之矣已行非不思也祭祀則祝之曰必勿使反豈非計長久為子孫相繼為王也哉太后曰然左師公曰今三世以前至於趙主之子孫為侯者其繼有在者乎曰無有曰微

獨趙諸侯有在者乎曰老婦不聞也曰此其
近者禍及其身遠者及其子孫豈人主之子
侯則不善哉位尊而無功奉厚而無勞而挾
重器多也今媼尊長安君之位而封之以膏
腴之地多與之重器而不及今令有功於國
一旦山陵崩長安君何以自託於趙老臣以
媼為長安君之計短也故以為愛之不若燕
后太后曰諾恣君之所使之於是為長安君

約車百乘質於齊齊兵乃出子義聞之

索隱曰子

義趙之賢人

曰人主之子骨肉之親也猶不能持

無功之尊無勞之奉而守金玉之重也而况

於予乎齊安平君

正義曰括地志云安平城在青州臨海縣東十九里

古鉅之鄒邑也

田單將趙師而攻燕中陽

徐廣曰一作人○正

義曰燕無中陽括地志云中山故城一名中

人亭在定州唐縣東北四十一里爾時屬燕

國也拔之又攻韓注人

正義曰邑名也括地志云注城在安州梁縣西

十五里蓋拔之二年惠文后卒田單為相四

年王夢衣偏袷之衣

正義曰杜預云偏左右異色袷在中左右異故

曰偏按袷衣背縫也

乘飛龍上天不至而墜見金玉之

積如山明日王召筮史取占之曰夢衣偏袷

之衣者殘也乘飛龍上天不至而墜者有氣

而無實也見金玉之積如山者憂也後三日

韓氏上黨守馮亭使者至曰韓不能守上黨

入之於秦其吏民皆安為趙不欲為秦有城

市邑十七願再拜入之趙聽王所以賜吏民

王大喜台平陽君豹告之曰馮亭入城市邑

十七受之何如對曰聖人甚禍無故之利王

曰人懷吾德何謂無故乎對曰夫秦蠶食韓

氏地中絕不令相通因自以為坐而受上黨

之地也韓氏所以不入於秦者欲嫁其禍於

趙也秦服其勞而趙受其利雖疆大不能得

之於小弱小弱願能得之於疆大乎豈可謂

非無故之利哉且夫秦以牛田之

徐廣曰一無此字

正義曰秦蚕食韓氏國中斷不通夫牛耕田
種穀至秋則收之成熟之義也言秦伐韓上
黨勝有日矣若牛田之必異收穫矣水通糧正義曰秦從渭水

擊韓上黨也蚕食上乘倍戰者正義曰乘水謹反

盡也司馬法云百畝為夫夫三為屋屋三為
井井十為通通十為成成出革車一乘七十

二人也上乘天下第一也倍戰力攻也列上
韓國四戰之地軍士慣習倍於餘國

國之地正義曰上國秦地也言韓上黨之地

與秦作難必莫受馮亭十七邑也其政行不可與為難必勿

受也王曰今發百萬之軍而攻踰年歷歲未

得一城也今以城市邑十七幣吾國正義曰

十七邑入趙若幣帛此大利也趙豹出王名

平陵君與趙禹而告之對曰發百萬之軍而

攻踰歲未得一城今坐受城市邑十七此大

利不可失也王曰善乃令趙勝受地告馮亭

曰敵國使者臣勝敵國君使勝致命以萬戶

都三封太守正義曰爾時未合言太守至漢

千戶都三封縣令皆世世為侯吏民皆益爵

三級吏民能相安皆賜之六金馮亭垂涕不

見使者曰吾不處三不義也為主守地不能

死國不義一矣入之秦不聽主令不義二矣

賣主地而食之不義三矣趙遂發兵取上黨

漢書馮秦世傳曰趙封馮亭為華陵君與趙將括距秦戰死於長平宗族由是分散或在

趙在趙者為官師將官師將子為代相及謀滅六國而馮亭之後馮無擇馮去疾馮却皆

為秦將相焉漢興馮唐即代相之子也廉頗上黨記云馮亭家在壺關城西五里也

將軍軍長平正義曰括地志云長平故城在澤州高平縣西二十一里即白

趙敗括於長平處七年廉頗免而趙括代將秦人圍

趙括趙括以軍降率四十餘萬皆阬之王悔

不聽趙豹之計故有長平之禍焉王遂不聽

秦秦圍邯鄲徐廣曰武垣令武垣縣本屬涿

郡○正義曰括地志云武垣故城今瀛州是也傳豹王容蘇射率

燕眾反燕地正義曰武垣此是屬趙與燕趙

以靈丘正義曰括地志云靈丘蔚州理縣也封楚相春申君八

年平原君如楚請救還楚來救及魏公子無

忌亦來救

正義曰魏公子傳云趙王以鄒忌為公子湯沐邑年表云九年公子

忌救邯鄲圍在九年其文錯誤耳

秦圍邯鄲乃解十年燕攻

昌社

徐廣曰一作社○正義曰壯字誤當作城括地志云昌城故城在冀州信都縣

西北五里此時屬趙故攻之也

五月拔之趙將樂乘慶舍攻

秦信梁軍破之

徐廣曰年表云新中軍也○索隱曰信梁秦將也○正義

曰信梁蓋王翦號也秦本紀云昭襄王五年王翦從唐拔新中軍新中更名安陽今

相州理縣也年表云韓魏楚救趙新中軍秦兵罷是也

太子死

徐廣曰是年周

報王卒或者太子云天子乎○索隱曰趙太子也史失名

而秦攻西周拔

之徒父棋出

索隱曰徒父趙大夫名棋○正義曰趙見秦拔西周故令徒父

棋將兵出境也

十一年城元氏

地理志常山有元氏縣○正義曰元氏趙

州縣也

縣上原武陽君鄭安平死

徐廣曰故秦將降趙也

收其地十二年邯鄲膏燒

徐廣曰庫廩之名音贈也○索隱曰

膏積芻藁之處為火所燒也

十四年平原君趙勝死

索隱曰年

表在十五年

以尉文封相國廉頗為信平

君尉文所食之地以封廉頗也古文管略文

省耳○正義曰尉文蓋蔚州地也燕王令丞

信平廉頗號也言篤信而平和也

相粟腹約驪以五百金為趙王酒遂歸燕
王曰趙氏壯者皆死長平其孤未壯可伐也
王召昌國君樂間而問之對曰趙四戰之國
也其民習兵伐之不可王曰吾以衆伐寡二
而伐一可乎對曰不可王曰吾即以五而伐
一可乎對曰不可燕王大怒羣臣皆以為可
燕卒起二軍車二千乘粟腹將而攻鄒卿秦
將而攻代索隱曰二人皆燕將姓名也廉頗為趙將破燕

栗腹虜卿秦樂間正義曰三人皆燕將姓也六十年廉頗

圍燕以樂乘為武襄君正義曰襄舉也上也言樂乘功最高也

十七年假相大將武襄君攻燕圍其國十八

年延陵鈞徐廣曰代郡有延陵縣率師從相國信平君

助魏攻燕秦拔我榆次徐廣曰在太原三十七城十

九年趙與燕易土索隱曰音亦謂與燕換易縣也以龍兌正義

曰括地志云北新城故城在易州遂南城縣西南二十里按遂城縣西南二十五里有龍山邢子勵趙記云龍山有四麓各有一穴大如車輪春風出東秋風出西夏風出南冬風

出北不相奪倫汾門徐廣曰在北新城○正

按蓋謂龍亢也樂縣有徐水出廣昌嶺三源奇發同馮一澗

流至北平縣東南歷石門中谷謂之龍門水

經其間奔激南出解石城并蓋汾字臨樂徐

誤也遂城又永樂安新城縣地也

日方城有臨鄉○正義曰括地志云與燕燕

臨鄉故城在幽州同安六十七里也

以葛武陽徐廣曰葛城在高陽○正義曰括

州高陽縣西平舒徐廣曰在代郡○正義曰

北五十里與趙二十年秦王政初立秦拔

州靈丘縣北九十三里也

我晉陽二十一年孝成王卒廉頗將攻繁陽

徐廣曰在頓丘○正義曰括地志云繁陽故

城在相州內黃縣東北二十七里應劭云繁

水之北故取之使樂乘代之廉頗攻樂乘樂

曰繁陽也乘走廉頗亡入魏子偃立是為悼襄王悼襄

王元年大備徐廣曰一作脩○正魏欲通平

邑中牟之道不成正義曰平邑在魏州昌樂

縣西五十八里有牟山按中牟山之側時二

邑皆屬魏欲渡黃河作道相通遂不成也

二年李牧將攻燕拔武遂方城徐廣曰武遂

義曰括地志云易州遂城戰國時武遂城也

方城故在幽州固安縣南十七里時二邑屬

燕趙使李牧拔之也秦召春平君因而留之泄鈞曰人

姓名為之謂文信侯曰春平君者趙王甚愛

之而即中妬之故相與謀曰春平君入秦秦

必留之故相與謀而內之秦也今君留之是

絕趙而即中之計中也君不如遣春平君而

留平都正義曰輿地理志云平都縣在春平

君者言行信於王王必厚割趙而贖平都文

信侯曰善因遣之余廣曰年表云太子從質

春平城韓臯三年龐煖將攻其將劇辛

四年龐煖將趙楚魏燕之銳師攻秦最徐廣曰在

新不拔移攻齊取饒安徐廣曰在渤海又云

○正義曰饒安滄州縣也五年傳抵正義曰

下音郎趙將居平邑慶舍將東陽正義曰屬

北岸河外師守河梁正義曰河外河南岸六

年封長安君以饒正義曰即饒陽也瀛州饒

漢縣也明長魏與趙鄴九年趙攻燕取狸陽

城正義曰按燕無狸陽疑狸字誤當作漁陽故城在檀州密雲縣南十八里燕漁陽郡

城也按趙東界至瀛州則檀州在北趙攻燕取漁陽城也**兵未罷秦攻鄴**

按之徐廣曰今饒陽在河間又悼襄王卒子

幽繆王遷立幽繆王遷元年徐廣曰又云潛王世本云孝成

王丹生悼襄王偃偃生今王遷年表及史考趙遷皆無謚○索隱曰徐廣云王遷無謚今

唯此獨稱幽繆王者蓋秦滅趙之後人臣竊追謚之太史公或別有所見而記也**城**

柏人二年秦攻武城徐廣曰年表云秦敗武平陽**扈輒率**

師救之軍敗死焉三年秦攻赤巖宜安正義曰括

地志云宜安故城在恒州**李牧率師與戰肥**

下正義曰括地志云肥纍故城在恒州

却之封牧為武安君四年秦攻番吾正義曰上音婆

又音盤又作蒲括地志云蒲吾城在恒州房山縣東二十里也**李牧與之戰**

却之五年代地大動自樂徐以西徐廣曰一作除**北**

至平陰正義曰樂徐在晉**臺屋墻垣大半壞**

地圻東西百三十步正義曰其圻溝見在六亦在首汾二州界也

年大飢民譌言曰趙為彌秦為樊以為不信

視地之生毛七年秦人攻趙趙大將李牧將

軍司馬尚將擊之李牧誅司馬尚免趙忽及

齊將顏聚代之趙忽軍破顏聚亡去以王遷

降正義曰淮南子云趙王遷流於陵房思故

地志云趙王遷墓在房八年十月邯鄲為秦

淮南子曰趙王遷流於房陵恩故鄉

太史公曰吾聞馮王孫曰趙王遷其母倡也

徐廣曰列女傳嬖於悼襄王悼襄王廢適子

曰邯鄲之倡

嘉而立遷遷素無行信讒故誅其良將李牧

用郭開豈不謬哉秦既虜遷趙之亡大夫共

立嘉為王王代六歲秦進兵破嘉遂滅趙以

為郡

索隱述贊曰

趙氏之世 與秦同祖 周穆平徐

乃封造父 帶始事晉 夙初有王

岸賈矯誅 韓厥立武 寶符臨代

年居伯魯

簡夢翟犬

靈歌處女

胡服錐疆

建立非所

頰牧不用

王遷囚虜

趙世家第十三

史記四十三

